

FELDA bangkit semula bawah PH

Kerajaan komited
kembalikan
kegemilangan
menerusi
PPP: Azmin

Oleh Mohd Iskandar Ibrahim
dan Mohd Nasaruddin Parzi
bhnews@bh.com.my

Rompin: FELDA akan bangkit semula dengan keyakinan peneroka kembali kukuh di bawah pengurusan baharu kerajaan Pakatan Harapan (PH) bagi membela masa depan golongan peneroka.

Menteri Hal Ehwal Ekonomi, Datuk Seri Mohamed Azmin Ali, berkata komitmen kerajaan untuk mengembalikan kegemilangan FELDA itu dilaksanakan menerusi Program Pembangunan Peneroka (PPP) yang dilancarkan Pevlana Menteri, Tun Dr Mahathir Mohamad, semalam.

PPP yang merangkumi aktiviti berassaskan program tanaman dan selingan yang mampu memberikan hasil dalam tempoh singkat dan aliran tunai konsisten dilancarkan pada sambutan Hari Peneroka FELDA Peringkat Kebangsaan 2019 di FELDA Selancar 3 di sini, semalam.

Azmin berkata, FELDA di bawah kepimpinan pengasasnya Tun Abdul Razak Hussein, yang juga Pevlana Menteri kedua Malaysia, berjaya membantu mengurangkan jurang ekonomi Melayu dan Bumiputera menerusi pembukaan tanah kerajaan, yang pada suatu ketika membolehkan negara menyumbang 25 peratus kepada pengeluaran sawit dunia.

"Malangnya, sejak beberapa tahun lalu, kita menyaksikan kerakusan pimpinan atasan FELDA yang terdiri daripada orang politik yang terlalu banyak bermain politik sehingga peneroka menjadi mangsa dan dibebankan dengan masalah besar," katanya be-



Dr Mahathir beramah mesra dengan Mohd Miswan Husnan dan isterinya, Salimah Hussin sambil diperhatikan Azmin sempena Hari Peneroka FELDA Kebangsaan 2019 di Padang Awam, FELDA Selancar 3, Rompin, semalam.
(Foto Mohamad Shahri Badri Saali /BH)

rupap pada majlis itu.

Mengulas lanjut, Azmin berkata, kerajaan Pakatan Harapan berjanji untuk memastikan pengurusan agensi itu hanya ditadbir oleh mereka yang berintegriti dan berwibawa.

Katanya, pelantikan Tan Sri Mohd Bakke Salleh sebagai Pengerusi FELDA, berkuat kuasa 1 Julai lalu, mampu membawa agensi itu ke peringkat baharu dengan bantuan dan sokongan akar umbi peneroka.

PPP, menurut Azmin, bukan hanya untuk memastikan masa depan lebih mampan dan menjaga kebajikan peneroka, tetapi juga peranan melihat industri perladangan kekal maju dan meningkatkan produktiviti menerusi penggunaan teknologi moden.

Selain itu, kerajaan juga amat

maklum dengan permasalahan peneroka seperti bebanan hutang yang cukup tinggi dan masalah perumahan generasi kedua yang banyak terabengkalai.

Berhubung masalah perumahan terabengkalai, Azmin berkata, kerajaan sudah meluluskan peruntukan RM250 juta bagi menyiapkan projek perumahan berkenaan, khususnya yang tahap kemajuan pembinaannya sudah mencapai 70 peratus pada tahun ini.

"Isu perumahan generasi baharu FELDA antara yang diberi perhatian oleh kerajaan. Perumahan generasi baharu FELDA banyak yang terabengkalai dan ini antara faktor menyebabkan ramal generasi baharu ini terpaksa meninggalkan perkampungan dan mencari pekerjaan di bandar.

"Selepas kita menjalankan audit, kita mendapati hampir 70 peratus kediaman ini bermasalah. Bagaimanapun, ingin saya maklumkan sebanyak 1,400 rumah ini sudah mendapat sijil layak menduduki dan akan diserahkan dalam tempoh terdekat," katanya.

Azmin berkata, kerajaan menampung RM2 bilion untuk menghapuskan hutang peneroka dan walaupun jumlah itu besar, ia tidak mengapa asalkan hutang dapat dikurangkan demi membolehkan peneroka hidup lebih selesa.

Katanya, kerajaan turut bersetuju supaya Anugerah Kevlerian Kampung FELDA (AKKF) yang menawarkan hadiah wang tunai RM1 juta dipecahkan bermula tahun depan kepada johan, naib johan dan tempat ketiga berbanding hanya satu pemenang sebelum ini.



Program Pembangunan Peneroka (PPP)

- » Inisiatif di bawah Model Baharu FELDA
- » Peruntukan geran RM1 bilion
- » Disalurkan secara berperingkat dalam tempoh empat tahun
- » Meningkatkan pendapatan peneroka melalui hasil tanaman baharu
- » Mengelak warga peneroka daripada bergantung kepada tanaman sawit semata-mata
- » Tanaman selingan dan ternakan yang mampu beri hasil dalam tempoh singkat

"Ketika diberi mandat sebagai menteri menjaga hal ehwal FELDA, antara perkara utama yang saya sarankan ialah hidupkan semula AKKF.

"Saya percaya program AKKF ini dapat memupuk rasa mabuh, perpaduan dan persaudaraan antara peneroka di setiap kampung supaya bersama-sama bergotong-royong dengan semangat ukhuwah yang baik," katanya.